

اداره مرکزی :

آنقره ده ، استانبول جاده سنده آنقره
معارف امینکی باشده کی دائره

استانبول بوروسی :

استانبولده ، آنقره جاده سنده ۸۷ نومروده
دائره مخصوصه

حیات

مبارد اتمامیه ... دیار دها جوق حیات قاتالم ...

نسخه سی هربرده ۱۵ فروردیه .

سنه لکی بوسته ایله ۷,۵ لیرا .
(اجنبی مملکتلر ایچین ۷,۵ دولار) .

ایوه واعلان ایشری ایچین استانبول بوروسی
مراجعت ایدیلیر .
یازی ایشلرک مرجعی آنقره مرکزیدر .

صافی : ۶۷

آنقره ، ۸ مارت ، ۱۹۲۸

۳ می جلد

مصاحبه

یوکسک تحصیل و اجنبی لسانی

مدینت دنیا سیله تماس ایتمک و غرب مدینتی
آ کلایا بیلیمک ایچون ، اجنبی لسانلری او کرتمک
احتیاجی ، « تنظیمات » دن بری هر کون دها
قوتله آ کلایشیلان بر مسئله در . اجداد من اسلام
مدینتی دائره سنه کیر دکری وقت « عرب » و « عجم »
لسانلری نه یوکسک اهمیت ویردیله : چونکه او مدینتی
لایقیه آ کلایه بیلیمک ایچون بولسانلره احتیاج
واردی . بواهمیت نتیجه سی اولارق ، تورکر
آراسنده « عرب » و « عجم » لسانلری اعظمی
موفقیته استعماله مقتدر شاعرلر ، محررلر ، لسان
طاملری ییشدی . « تنظیمات » دن بری تورک
جمعیتک یوزی غربه دوغوش ، « تورکیه » ،
حیاتی مجبوریتلر تأثیرله ، قرون وسطائی شرق
مدینتی دائره سندن چیقهرق معاصر غرب مدینتی
دائره سنه کیرمهک مجبور قالمشدر . بومجبوریت
تورکیه ده اجنبی لسانلر تحصیلنه اهمیت ویریله سی ،
مکتبلر مزه همان عمومی بر صورتده فرانسزجه
ونادر آهه آلمانجه (مثلا عسکری مؤسسه لر مزدن
اولدینی کی) یا خود انکلیزجه (تخصیصاً بحریه مزده)
درسلرینک قونولمه سی ، حتی « غلطه سرای » کی
فرانسزجه بی تدریس لسانی اولارق قبول ایدن -
مؤسسه لر وجوده کتیریله سی استلزام ایتدی .
عبدالحمید دورنده بیله مرحوم سعید پاشانک « لسان
مکتبی » آچمه تشبث ایتمه سی ، هپ بوبویوک
احتیاجدن دوغوشدر .

غرب مدینتی دائره سنه قطعی ونهائی اولارق
کیردی کمز شو صیراده ، اجنبی لسانلری نه اولان
احتیاجلر بر قات دها شدتله حس ایدیلیرور :
اقتصادی ساحه ده موفقیته چالیشه بیلیمک ایچون

بو اوج بویوک مدینت لسانک یعنی فرانسزجه ،
انکلیزجه و آلمانجه نیک یاردیمندن مستغنی دکلدردلر .
تجارت لسانی اولارق انکلیزجه ، علم لسانی
اولارق آلمانجه ، ادبیات و دیپلوماسی لسانی
اولارق ده فرانسزجه ، بوتون مدینت دنیا سنده
حاکمیتلری محافظه ایدیلیرور .

آوروپانک سائر ملتلی بیله بولسانلرک
یاردیمندن مستغنی قالامازکن ، بزم ، هله بویوکون ،
« یوکسک تحصیل » مؤسسه لر نده کی طلبه مزلی
یا لکنز « تورکیه » اثر لاله ییشدر مکه چالیشه مز
تماماً معناسزدر . تورکیه ده بویوکون قدر حقیقی
و آوروپائی معناسیله « یوکسک تحصیل » ک
برتورلو تأسس ایدمه مه مه سی اسبابندن بری ده ،
اجنبی لسانی احتیاجی اولمادن بویوکسکک پایله
بیله چکی قناعتندن ایلری کلمشدر . انه لاعلی تعیین
فرانسزجه ، انکلیزجه و یا آلمانجه بر کتاب
کچیره ن هر هانکی بر ذاتک ، یوکسک تحصیل
مؤسسه لر نده معلمک جسارتی کویسترمه سی ده
ایشته بوندن دولاییدر . حالبوکه ، بویوکسکله
کیره ن طلبه ، خوجانک انده کی کتابی کندی
کندیسنه او قویوب آ کلایا جق قدر اجنبی بر
لسانه آشنا اولورسه ، او وقت « معلم » سویه سی ده
ایستراسته مز یوکسکله چکدر .

طلبه یه بوقدر قوتلی برلسان تحصیلنی ناصل
و نزه ده ویرمه لی ؟ ایسه لر مزده بونی پایه -
بیلیرمی بز ؟ یوقسه ، ژاپونلرک بر آراق تطبیق
ایتدکری کی اورته تحصیل ایله یوکسک تحصیل
آراسنده صرف اجنبی لسانی او کره نمکه مخصوص
بردوره می آیرمالی ؟ بوجهتک ، اله کی وسائط

اجنبی لسانی اک بویوک بر یاردیمی حکمنده در .
بویوکون اولدقچه معلوماتلی ، بیلرجه یوکسک تحصیل
کورمش ، لکن اجنبی لسانلری نه بیکانه برکنج ،
کندیسنه کوجلکه فرق الی لیرا تأمین ایده .
بیلدیکی حالده ، بر آزانکلیزجه و فرانسزجه بیلن
تحصیل سز و معلومات سز بر آدم ، قولایلقه یوز یوز الی
لیرا قازانغه موفق اولیور . ایشه ، چوجوق
با یالری نک اجنبی مکتبلری نه او قدر رغبت ایتمه لر نده ،
بویوکسک اقتصادی دوشونجه نکه ده جوق بویوک تأثیری
واردر . مع مافیله بز بوراده اجنبی لسانلری مسئله سی
بویوکسک اقتصادی جهه دن دکل ، مملکتک معنوی
و حرثی انکشافی نقطه نظرندن یعنی « یوکسک
تحصیل » مؤسسه لر نده کی موقعی و اهمیتی اعتباریله
تدقیق ایتمک ایستوروز .

بم قناعتمه کوره ، تورکیه ده یوکسک تحصیل ،
اجنبی بر لسانک یاردیمی اولمادقچه امکان سزدر .
بناء علیه ، یوکسک تحصیل مؤسسه لرینه کیره ن
کنجلر ، کندی اختصاص شعبه لرینه طاند اثر لری
قولایجه او قویوب آ کلایه جق درجه ده فرانسز ،
انکلیز و یا آلمان لسانلرندن برینه آشنا
اولمایدردلر . بویله اولمادینی تقدیرده ، طلبه نک
انده بر ایکی بسیط تورکیه اثر دن و معلمنک
نوطر نندن باشقا او قونه جق برشی بولونامیه جفندن ،
« یوکسک تحصیل » ک معناسی قالماز ... یوکسک
علم اثر لری اعتباریله لسانمک نه قدر فقیر اولدینی
معلومدر ؛ فقط ، نه قدر چالیشیر سه ق و ترقی
ایدرسه ک ایدلم ، حتی بوندن ایکی عصر صوکراده ،
ینه بویوک آوروپا لسانلرینک یاردیمندن مستغنی
قالامایز . نه کیم جهانک سائر بوتون مترقی ملتلی ،

تورکیده فلسفه

فلسفه :

«تورک فلسفه جمعیتی» نیک تأسسی سابه سنده مملکتزده کی فلسفه محبرلی یکدیگری یاقیندن طانیغه موفق اولاجقدر . متواضع بر بروغرام ایله ایشه باشلامش اولان جمعیتک ایلك همدنی بودر و باشقهده اولاماز . فی الواقع بوکون فلسفه حیات وکائنات حقنده عمومی بر تلقی اولقدن زیاده هر بری درین تدقیقاته زمین تشکیل ایدن اختصاص شعبه لرندن متشکل بر کل حالی آلمشدر . دکل تورک فکر عالمنک بو کوئی یوقولنی ایچنده ، بلکه غریبه بیله هیچ بر فیلسوفک و فلسفه مدرسنک فلسفه نامی آلتنده وقوعه کلن بوتون حرکتلری ، مناقشه لری بالذات تعقیب اتمه سته امکان یوقدر . تورک فلسفه جمعیتی تورکیده فلسفه به علاقه دار اولانلرک برلشمه سی ایچون بر مرکز تشکیل ایده رک متفکرلریمیزی انزوا ایچنده بولونقدن قورناراجق و بوسایه ده - احتمال - فلسفه به ابراز ایدیلن علاقه نیک آرتماسته خدمت ایده جکدر .

بویلك غایه نیک یاننده ده ااهیتلی بر دیگرینک رسم ایله دیکینی ده کورویوروز : فلسفه تدقیقلرینه رهبر اولق . ده دوغروسی ایلك هدف ایکنجیسی ایچون بر واسطه دن عبارتدر . فلسفه تدقیقلری بایلدیان بر مملکتده فلسفه کتابلری اوقویانلرک یکدیگری طانیاسی اوقدر لزومی بر شی دکلدر . فقط بو ایکنجی و مهم همدنی تحقق ایتدیرمک ایسترنک تورک فلسفه جمعیتی مهم بر مشکلات قارشیدنده در . مملکتزده فلسفه تدقیقلری هنوز بر عتته حالته کیرمه مشدر ، بر اصوله تابع دکلدر . حتی ، تاریخمزه باقارسق بونک یکی دکل بلکه عصرلردن بری دوام ایدن بر حال اولدیفنی کوروروز . شیمدی به قدر فلسفه قارشیدنده تورکلرک وضعیتی طبق رومالیرککنه بکزه ر . رومالیرده جهانگیر ایدیلر ، فقط نظری تفکر ایدن زیاده عملی موفقیتلره ااهیت و بریورلردی . لاتین ادبیاتنک اک پارلاق ممثلرندن بری اولان چیچهره یونان فلسفه سته ذوق و عشق ایله اطلاع پیدا ایلمش ، لکن فلسفه به دائر بالذات قلمه آلدینی اثرلنده نظری و اینجه مناقشه لری قولایقله بر طرف ایده رک هر کسی علاقه دار ایده یلن و هر کس طرفندن آکلاشیلا بیله جک اولان عملی مسئله لر اوزرنده بالخاصه توقف اتمه یی ترجیح ایشدر . واقعا تورک عرق فارابی و ابن سینا کی

ایکی متفکری اورتابه آمشدر ، فقط بونلرک دورلرینک عرب حرثه داخل اولدقلری انکار ایدیله من . تورک - اسلام محیطنده یتشمش اولان بوتون دیگر متفکرلر ، بالخاصه بونلردن تورکجه اثرلر تألیف ایش اولانلر ایسه کندیلرینه خاص بر فکر محصولی اورتابه قویاجق یرده اسکی جریانلری تلخیص اتمک ، اکثریا اخلاق - دینی نقطه لر اوزرنده اصرار ایلمکدن باشقا برشی یا ایشلردر . صوک زمانلرده ایسه بونی یاپانلری بیله نادراً کورمکده یز .

اوزون مدت فلسفی فعالیتک متروک قالماسندن نشأت ایدن بومشکلاتک هر نه بهاسنه اولورسه اولسون اقتحام ایدیله سی لازمدر . فلسفه مساهمیتده اطراد ، موازنه ، جدی و صمیمی بر اصول تأسس اتمه لی ، فلسفه مراقنک اوزون صاچ و غریب فکر طاشیق مراقندن باشقه برشی ، اولدقه زحمتله تطمین ایدیلر بر مراق اولدیفنه قناعت کتیریلیدر . بونی اک زیاده موفقیتله تأمین ایده جک اولان ینه فلسفه جمعیتدر . چونکه اونک سابه سنده ، اوراده بایلان مناقشه لر انساننده هر کس کندی فکرندن مشول اولدیفنی حس ایده جکدر ، فکرلرینی یکدیگرینه زنجیرلرک و کندینی تناقضدن قورنارامق لزومی تقدیر ایله جکدر ؛ برسیسته یاقمق هر کک کاری دکلدر ؛ فقط قبول ایله دینی مختلف فکرلری برسیسته حالنده زنجیرلرکمه چالیشق ، هر فلسفه دوستنک صمیمی وظیفه سیدر . حالبوکه اکثریا مختلف مغازه لرندن آلمش اشیا کی مختلف مسلکلردن طویلانمش فکرلردن متولد تناقضلر ایچنده دولاشمقده یز . فلسفه جمعیتنده بایلاجق صمیمی مناقشه لر ده امضبوط بر فکر منظومه سته ، کسکین بر فکر تقیده ، بحرب بر اصوله صاحب اولامیزی تأمین ایدره بوندن اعلا برشی اولاماز .

بر دیگر نقطه ده ده فلسفه جمعیتک فائده لی خدنده بولوناجنی امید اتمکده یم . اوده فلسفه تاریخنک تدقیقنده در . بالخاصه اسلام فلسفه سی تاریخی غریبه همان تاماً متروک بر تدقیقات ساحه سیدر . اونکله اشتغال ایده نلر حقیقی فیلسوفلر دکلدرلر ، ساده جه مستشرقدرلر . حالبوکه فلسفه ، عام کی دکلدر . ماضیدن استغنا کویستره من . فلسفه نیک هر ترقی آدیمی ، عینی زمانده ماضی به دوغرو ده درین بر نظر هطف ایدله سی سابه سنده تأمین ایدیلشدر .

و شیمدی به قدر بایلان تجربه لره کورمه تعیینی ، معارف آداملر مزمه دوشر . بز ، ساده جه ، تورکیده «یوکسک تحصیل» ک حقیقی معناسیله تأسسی ایچون ضروری اولان بر نقطه یی ایضاحله اکتفا ایدیوروز . جمهوریت معارفی بوندن اوچ سنه اول بو احتیاجی کمال ااهیتله درپیش ایده رک ، هیچ اولمازسه دارالفنون مآذونلرینک مطلقا کندی شعبه علملرینه طاند اثرلری آکلایه جق درجه ده بر اجنبی لسانه آشنا اولماسی شرطنی بر نظامنامه ایله تثبیت ایشدی . بو نظامنامه موادینک دارالفنون شعبه لرنده تطبیقندن شبهه منز جوق خیرلی نتیجه لر ایده ایدیش اولاجقدر . بوکون بو نظامنامه نیک دیگر فاکولته لرده نه صورتله تطبیق ایدیلدیکنی ونه نتیجه لر استحصال اولوندیفنی بیلیمورم ؛ فقط ، ادبیات فاکولته سنده - حتی مذکور نظامنامه نیک نشرندن داها بر قاج سنه اول - تطبیقنه باشلانیلان بواصولک ، جوق مفید نتیجه لر ویردیکنی ااهیتله قید ایده بیلیم . فقط بو مجبوریت ، دارالفنوندن ویا یوکسک مکتبلردن چیقه جق اولانلره دکل ، او مکتبلره قبول ایدیله جک اولان طلبه به تحمیل ایدیله لیدرک ، حقیقی معناسیله «یوکسک تحصیل» مملکتزده ده آرتق تأسس ایده بیلسون . بونی تأمین اتمه دیکجه ، «تورکیده» ، فکری سویه اعتباریله اوروباده کی مدیر و منور صنفله مقایسه ایدیله بیله جک بر «کزیده لر صنفی» نه هیچ بر زمان اصلا مالک اولامایه جقدر .

یالکز شونی تصریح ایده یم که بو مسئله باشقادر ؛ دارالفنونده درسلرک «ملی لسان» دن غیری بر لسانله اوقوتولماسی بوسبوتون باشقادر . «تورکیده» بر مستملکه دکلدرکه ملی دارالفنوننده تورک مدرسلی طرفندن یابانجی لسانلره درس تقرر ایدیلسون !

کبریلی زاده محمد فؤاد



اسحق خواجه سي احمد افندي

اون ايكنجي عصر ادبياتك مشهور سيارلندن :

مخروسه بروسه ده خداوندكار مدرسه سنه نقل ايتدكدن ماعدا آنادولومحاسبه سني احسان ومعيت واستحصايله سفر ظفر رهبر بفراده روان اولديله . « پاشاشيد دوشونجه احمد افندي تكرر بروسه به دوندي و آرتيق اوراده قالدی . مملكتك ا كثر علماسي اوندن درس كورمشدر . اسحق خواجه سي بروسه ده مراديه مدرسه سنه مدرس ايكن . ١١٢٠ تاريخده وفات ايتشدر . مشهور قره جلبي زاده شيخ الاسلام ومورخ عبدالعزيز افنديك ياتسده مدفوندر . اوغلي « عمود افندي » « واقف » مخلصي برشاعردر . باباشك وفاتنه شو تاريخي سويله شدر .

خواجه عالميان احمد افندي كيم آنك
يتشور فضلنه آناري گواه عادل

رفع ايدوب ايكي الم فوتنه تاريخ ديدم
والدم خواجه افندي ايدنه هدي منزل
١١٢٠

.*

مقامزلهك باشنده « احمد افندي » نيك « اقصى الارب في ترجمة مقدمة الادب » عنواني لغت كتابك زمانغز ايچون ده فايدالي بر اثر اولديغندن بحث ايتشدم . « مقدمة الادب » ك صاحبي اورنا آسياتوركلري ايچنده يتيشن علامه لردن مشهور « ز محشري » در . بش سنه مكده مجاورنده بولونديني ايچون « جارالله » ديه ده آكيلير . اصل آدي « عمود » در . « خوارزم » كويلرندن « ز محشر [*] » ده ١٦٧ سنه سنه دو . نمشدر . اسلام مدنيت وعرفاننه اك جوق واك مهم خدمت ايدنلردن بري ده بودر . تفسيره ، حديثه ، فقهه ، لغته دائر نيجه نيجه اثرلر يازمشدر كه هپسي كندي نوعلرنده « امهات » دن در . روايته كوره باباسي « ز محشر » كوينده بر محله مسجدی اماميدي . ز محشر نيك بر باجاني طوبال اولديني ايچون ايشه ياراماز ديه تزييلك صنعتنه وبرمكي دوشونمش ، ققط چوجوغنك رجاسي اوزرينه خوارزنده بر مدرسه حجره سنه اسكان ايتشدي . ايشته ز محشري بوراده دورك عالمزلندن درس كورمش عالمشول بر شهرت آلتشدر . خلق او كا « طوبال » در لردي . بر آياغي ديزندن كويلشدي . بر روايته نظراً دامن دوشهرك ، بر روايته كوره سوئوقدن دونارق ، باشقا بر روايته نظراً آندن دوشهرك سقط قالمشدي . كنديسی « كوچوككن بر سرچه طوتشدم . آياغني بر ايلكله باغلام . قوش اوجدي ، بر ديوارك قوووغنه كيردي . ايلكي چكدم . حيوانك آياغي قويدی . آنهم بو حال كورونجه آجيندي ، بكا بدعا ايتدی . ايشته فلا كتمه سب بودر . « ديرمش . آكلاندقارينه كوره ز محشري طاقا [*] » « ز » بي اوستون او قومالي .

معاصرلرندن برينك « سبوطي » زمان ، جامي دوران » ديه مدح وتوصيف ايتديكي بوذات ، منسوب اولدقلى حرث ومدنيت دائره سنه سلفلر منك ناصيل اساسلي وقوتلي معلومات صاحبي اولدقارينه نيجه امثالي آراسنده كزنده برشاهددر . بوكون ، آنجاق ادبيات تاريخمزله متوغل اولانلرجه معلوم اولان اسحق خواجه سي احمد افندي « هرياته بدطولاسي دراز ، فارسیده باغ اقتداري هر مشكله باز » بر متبحر ايدی . تاليفاتي چوقدر . بونلر كه همان هپسي زمان ايچون قيمتلي وفايدالي اثرلر اولقله بر ابر مشهور (ز محشري) نيك « مقدمة الادب » عنواني لغتندن ترجمه ايتديكي « اقصى الارب » آدلي كتابي حالا استفاده بخش ومهم بر « قاموس » مثابه سنه در .

« وقايح الفضلا » نيك تثبيت ايتديكنه كوره احمد افندي « آيدين كوزلحصاري » نه جوار بر كويده دوغمشدر . « صفائي » و « سالم » تذ كره لري ساده جه « منتشا » لي اولديغني سويله بورلر باباسي « خير الدين » افندي نامنده بر آدمدر كه « مقدمات علوم » ي اوغلنه بالذات تدريس ايتشدر . احمد افندي كنج باشنده عجمستانه كيتمش ، علم تحصيلي اوغورنده سنه لرجه « شروان » ده قالديني ايچون بر زمانلر « عجم احمد افندي » ديه آكيلشدر . توركيه به دونديكدن بر از سوكر ا « كوپريلي زاده فاضل احمد پاشا » به تذ كره چيلك ايدن « اسحق افندي » به انتساب ايتدی . بوذاته خواجه اولدی . اودورلرده « اسحق افندي » نفوذلي ويك مشهور اولديني ايچون احمد افندي « اسحق خواجه سي » ديه آكيلدی . زمانك مورخلري وتذ كره جيلري اوندن هپ بو عنوانه بحث ايدرلر . راشد تاريخنك افاده سنه كوره « اسحق افندي » « ندمای خواص پادشاهيدن اولوب حضورده نافذالكلام » ايدی . دورك صداعظمي قره ابراهيم پاشا كنديسنه كين باغلامشدي . تبعيدي ايچون فرصت كوزه تيوردی . نهايت مأموراً مصره كيتمه سنه اراده چيقازندی . « اسحق افندي » بولجيفه تحمل ايدمه ديكی ايچون « اسكيشهر » ده خاستالاندي ، كيري دوندي . قورناز صدر اعظم ، كنديسنه حرمت و محبت ايدر مکتوبلر يازيوردی . فقط عيني زمانده پادشاهده « اسحق افندي » استا . ولده اوجاق خليفه اتفاق ايتش ، سزي خلق ايتديره جك « ديه تزويراتده بولوندي . ردوسه سوردوردی . بر از سوكره يكي افتارلر ايجاد ايدمه رك قتل ايتديردی . بو ، ١٠٩٥ سنه سنه مصادفدر . احمد افندي حاميسنك نيكيت وفلاكتندن سوكر ا بروسه ملحقانده صرف مدرسلكله وقت كچيردی . ١١٠١ ده صدر اعظم « كوپريلي زاده مصطفي پاشا » كنديسني « بافرمان عالي ابتداد داخل اعتباريله

غربيلير بورجعتي لاتين يونان مدنيتي ساحه سنه حصر ايديبورلر . مثلاً ميستيك - تصوفي - فكلرلر ايچون باسقلي تدقيق ايديبورلر . حالوكه باسقالدن كيري به آتيلان برايكي آدم ايله دوغروجه اسلام فلسفه سنك قوجاغنه دوشه رز . محمد علي توفيق بكك حياتك كچن نسخه لرندن برنده دانتهك اسلامي منبع ي مثله سي مناسبيله موضوع بحث ايله ديكی اسپانيول عالمي Miguel Asin Palacios ك تدقيقلري ده ا شمديدن شايدان دقت نقطه لري ميدانه قويمشدر . في الواقع غزالينك اسپانيول يهودي متفكلرلي اوزرينه تاثيري بك بو بوك ايدی ، حتى دوغورون دوغرويه عرجه اوقويان قرون وسطا خريستيان متفكلرلي اوزرينه ده تاثيري كورولوبور . قانالونيالي دومينيكه رهاب Ramon marti عرب آثارينك جوغني حرارتله تدقيق ايله مشدی . بو رهاب Pugin Fidei عنواني اثرنده غزالينك يازيلرندن « برجوق پارچالري عينا آلتش ، يالكز صاحبي ذكر ايتكي اونومشدر ! باسقالده رامون مارتينك مذكور اثرندن ، سانكه كندى مالى ايتش كبي بول بول اقتباسلرده بولومشدر . ينه عيني طريق ايله غزالي قرون وسطاده سقولاستيك فلسفه نك پير اعظمي اولان آكونيولي توماسي Saint Thomas d'Aquin الهام ايله مش بولونوبور . زيرا بوخريستيان دليتك Summa contra Gentiles عنواني اثر ي رامون مارتيدن قوپيه ايديشدر دينه بيلير . بوندن ماعدا ينه قرون وسطاده كي سقولاستيكاردن بو بوك آلبرتوس Ablertus Magnus ده غزالي بي تدقيق ايتش واوندن ملهم بولونوبوردی . مشهور لاينيج ايسه بو بوك متفكر ك اثرلرني بو بوك بر اعتنا ايله اوقومشدر ، بناء عليه غزالينك كرك آكونيولي توماس كرك بو بوك آلبرتوس واسطه سيله لاينيج اوزرينه تاثيرده بولنديني شهبه سزدر .

دارالفنونمرك وعالملميزك بين الملل برقيمت احراز ايله مدكلرندن بر دوزي به شكايه ايدنلر وار . اكر بزده فلسفه ايله مشغول اولانلر كونك برنده بويله بر شرف احراز ايله ملري مقدر ايسه اونك آنجق فلسفه تاريخنه عائد تدقيقلر سايه سنه اله ايديله جكني قوتله ظن ايديبورم . اليوم بو تدقيقلري يالكز باشنه ياتق هيج كيمه نك قدرتي داخلنده كوزوكه بور . غربي طابيان شرقدن ، شرق طابيان غربدن استفاده ايدمه بور . آنجق ناچيز سيلرك يكديكرينه اكلنه سي سايه سنه اهميتي بر نتيجه به ابريشمك ممكن اولور . فلسفه جمعيتي ايسه بونك حصوله كله سي تايمين ايديه بيلير . بوندن دولابي اونك تشكلي ممنونيله فارشيلامق ومسايسنه توجهكار بر نظرله باقق هر تورك متفكرينك بورچيدر .

محمد عزت

